

立繳典盡根契字人後埔仔庄劉^仁連生^等，有承祖父劉岱明典過劉永達水田壹段，址在溪洲仔洋，土名炭養仔。抽出壹半在北畔，東至陳家、劉家田爲界，西至牛路，透過牛路下田壹坵亦在內，南至中豎岸破烏樹下爲界，北至劉家田厝爲界，四至界址明白，帶大圳水份灌溉充足。經官丈肆分，逐年配納課租銀捌錢捌分零壹毫伍絲。今因乏銀費用，自情愿將此水田壹半出爲繳典，先盡問房親人等俱不欲承受，外托中引就向與後埔仔庄張拱照官出首承爲繳典，當日三面議定時值價銀叁佰玖拾大員，平重式佰柒拾叁兩足正。其銀即日全中見交收足訖，其水田壹半隨即踏明界址，交付與銀主前去掌管，起耕招佃，收租納課。自此壹出繳典盡割籐永斷，日後仁等及子孫不得言贖滋事。保此田係仁等承祖父明典，與別房親人等無干，亦無重張典掛他人財物及上手來歷不明等情。如有此情，仁等出首一力抵當，不干銀主之事。此係二比甘愿，各無抑勒反悔。口恐無憑，今欲有憑，立繳典盡根契字壹紙，并上手陳家借字壹紙，劉家盡根找契壹紙，劉家典契壹紙，合共肆紙，付執爲炤。

即日全中見交收過繳典盡契內佛銀叁佰玖拾大員，平重式佰柒拾叁兩正完足。再炤。

秉筆人 吳特清 (花押)

爲中人 曾登匏 (花押)

知見人 妻 陳氏 (花押)

明治叁拾陸年癸卯拾月
日立繳典盡根契字人劉^仁連生^(花押)

連生 (花押)